

JAVNI POZIV ZA IZBOR KONSULTANTA ZA IZRADU PROJEKTOG ZADATAKA (ToR) ZA KREIRANJE DATA INFORMACIONOG SISTEMA

Savez općina i gradova Federacije Bosne i Hercegovine (u daljem tekstu: Savez) u okviru projekta „Unapređenje procedura i razvoj kapaciteta iz oblasti vodosnabdijevanja u Federaciji Bosne i Hercegovine“, raspisuje javni poziv za izbor konsultanta koji će izraditi Projektni zadatak za kreiranje *Data informacionog sistema* za vođenje evidencije o aktivnostima Saveza.

Aktivnosti projekta „Unapređenje procedura i razvoj kapaciteta iz oblasti vodosnabdijevanja u Federaciji Bosne i Hercegovine“ naslanjaju se na projekat Regionalna mreža za razvoj kapaciteta za usluge vodosnabdijevanja, odvodnje i prečišćavanja otpadnih voda na Zapadnom Balkanu (RCDN+), koji provodi Mreža asocijacija lokalnih vlasti Jugoistočne Evrope – NALAS. Projekat implementira Deutsche Gesellschaft für Internationale Zusammenarbeit (GIZ), preko njemačkog Saveznog ministarstva za ekonomsku saradnju i razvoj (BMZ) i švicarskog Državnog sekretarijata za ekonomske poslove (SECO).

O Savezu

Savez je samostalna organizacija dobrovoljno udruženih općina i gradova u Federaciji Bosne i Hercegovine, osnovana u cilju razvoja lokalne samouprave i unapređenja i zaštite njihovih zajedničkih interesa.

Savez, kao nevladina i neprofitna organizacija nastala je udruživanjem općina i gradova u Federaciji Bosne i Hercegovine na osnivačkoj Skupštini 2002. godine. Pravni je sljedbenik Zajednice opština i gradova Socijalističke Republike Bosne i Hercegovine koja je konstituisana 1972. godine sa ciljem da unapređuje i razvija sistem lokalne samouprave, štiti interese lokalnih zajednica, te razvija međugradsku i međunarodnu saradnju.

Aktivnosti Saveza su usmjerene ka jačanju pravnog, finansijskog i kadrovskog jačanja jedinica lokalne samouprave u Federaciji Bosne i Hercegovine putem:

- Institucionalnog lobiranja i zastupanja zajedničkih interesa svojih članica na svim nivoima vlasti;
- Razvoja novih i jačanja postojećih usluga za članice/jedinice lokalne samouprave;
- Unaprijeđenja legislative koja reguliše rad jedinica lokalne samouprave;
- Pružanja usluga pravnog, finansijskog i drugog savjetodavstva za članice;
- Obuka izabranih zvaničnika (vijećnika i načelnika) i uposlenika u organima jedinica lokalne samouprave;
- Provedbe projekata;
- Uspostavljanja i održavanja regionalne i međunarodne saradnje kroz saradnju sa nacionalnim udruženjima lokalnih vlasti, kao i njihovim krovnim udruženjem;
- Uspostavljanja i unaprijeđenja strukovnih komunikacijsko-savjetodavnih mreža uposlenika u jedinicama lokalne samouprave;
- Razvoja platforme za razmjenu znanja i dobrih praksi.

Opis poslova

U svrhu uspostave i vođenja jednostavne i pregledne evidencije dijela aktivnosti Saveza koji se odnose na polje realizovanih, aktuelnih i planiranih obuka, rada strukovnih mreža, rada stalnih i privremenih radnih grupa i sl., Savez angažuje konsultanta s ciljem:

- izrade Projektnog zadatka za izradu informaciono-komunikacijsko-tehnološkog sistema (Data informacionog sistema) koji će imati mogućnost prikupljanja, upravljanja i analize podataka,
- savjetodavnim učestvovanjem u izboru najkvalitetnijeg ponuđača,
- nadzora nad izradom sistema kako bi se osiguralo da je kreirani sistem u skladu sa projektnim zadatkom.

Pretpostavljamo da bi sistem mogao biti prilagođeni Open Source Software, koji sadrži baze podataka, program za analizu i podršku u donošenju odluka, mogućnost izvještavanje, povezivanja na mail i društvene mreže i sl. Bitno je da sistem ne iziskuje troškove godišnjeg održavanja koji će opteretiti Savez.

Konsultant treba da ponudi najmanje dva rješenja za sistem prema zahtjevu naručioca.

Konsultant će za ponuđeno rješenje koje je prihvatio naručilac posla izraditi Projektni zadatak za njegovu izradu.

Projektni zadatak treba da sadrži sljedeće, ali ne ograničavajući se samo na navedenom:

- Koje informacije su potrebne za bazu podataka i zašto, opis metode prikupljanja informacija, održavanja i upravljanja podacima, kako obezbijediti kvalitet informacija i sigurnost, utvrditi klasifikaciju traženih podataka na obavezne i manje važne, kako obezbijediti da prikupljeni podaci budu lako dostupni za korištenje, statistički prikaz podataka, utvrditi strukturu korisnika i pristup, i sl.
- Plan izrade sa rokovima.
- Relacije podataka.

Okvirni vremenski rokovi:

Rok za dostavljanje najmanje dva prijedloga mogućeg rješenja za sistem je 23.09.2024. godine.

Rok za završetak izrade Projektnog zadatka za prihvaćeno rješenje 04.10.2024. godine.

Rok za završetak konačnog izvještaja je 10.10.2024. godine.

Od konsultanta se očekuje da:

- Posjeduje reference kojima može dokazati poznavanje savremenih komunikacijskih alata i upravljanje bazama podataka;
- Posjeduje vještinu komuniciranja i vođenja sastanaka;
- Posjeduje vještinu pisanja izvještaja;
- Ima diplomu visoke stručne spreme (poželjno).

Potencijalni kandidati su dužni dostaviti sljedeće dokumente:

- Finansijsku ponudu koja uključuje broj angažovanih dana i aktivnosti
- Biografiju (CV) na jednom od službenih BH jezika, sa posebnim naglaskom na oblast javnog poziva;
- Referentnu listu kojom se dokazuju očekivane kvalifikacije;
- Popunjen prijavni obrazac (nalazi se na dnu teksta);
- Kopiju lične karte;
- i druga dokumentacija kojom se može dokazati ispunjavanje uvjeta za vršenje konsultantskih usluga iz oblasti za koju je raspisan javni poziv.

Popunjen prijavni obrazac, uz priložene dokaze o ispunjavanju uvjeta, dostaviti putem e-maila na dino@sogfbih.ba ili pošte na sljedeću adresu:

Savez općina i gradova Federacije Bosne i Hercegovine

Adresa: Musala br.5, 71 000 Sarajevo

s naznakom „Za javni poziv“, **najkasnije do 13.09.2024. godine.**

Za dodatne informacije zainteresirani se mogu javiti na telefon broj: 033 216 502, kontakt osoba je Edin Demirović.

Nepotpune i neblagovremene prijave neće se uzeti u razmatranje.

Obrazac za prijavljivanje možete preuzeti na web stranici Saveza: www.sogfbih.ba